

政記

正親町至後陽成

十六

			五	和
			六	書
			六	門
冊	架	函	號	類

庫	文	閣	內	
三		一	五	和
九		一	八	書
函		六	六	
二		六		
二		架	冊	類

內閣文庫	
番號	和 15186
冊數	16 (16)
函號	139 138

史傳載紀




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





日本政記



正親町天皇

諱方仁後奈良第一子母榮子
議賢房女在位二十九年改元三

日永祿元龜天正禪位皇太孫
後七年崩壽七十一葬泉涌寺

冬十月天皇臨祚

永祿元年戊午大將軍義輝出居朽木避三好氏亂也

冬義輝與三好長慶和歸京師長慶囚其君細川

晴元

二年己未夏五日上杉景虎入京師謁將軍義輝賜其

偏名改名輝虎



三年庚春正月天皇即位授毛利元就陸奥守兼大膳大夫夏五月今川義元大舉侵尾張織田信長逆擊於桶峽大敗之斬義元信長信秀子據清洲秋九月前關白前嗣赴越後四年酉春正月三好義長入謁將軍義輝義長長慶子也三月義輝臨三好氏第夏四月松永久秀毒弒其君子義長上杉輝虎率關東將士攻北條氏康圍小田原城將士叛之輝虎引還越後秋九月上杉輝虎與武田晴信大戰于河中島先是二帥並擁髮晴信稱信玄輝虎稱謙信

賴襄曰武田上杉二氏用兵之才相敵北條氏織田氏共不及也而四氏角立於元龜天正之際而不相下其攻守形勢請得嘗論之蓋我邦地勢自東北來故東北高而西南卑其副員亦隨而豐殺與羽山脉至於甲信軍壘杳覺如人有脊梁而關東八州依其東越倚其北海諸國帶其南而西爲尾濃爲京畿西國大邑甲信之腰齋而八州幅員尤豐北條氏據之越次焉上杉氏據之海道又次焉織田氏據之而不得甲信則不成國者一也北條上杉織田共不成國而武田氏奪三氏所以

武國者以自國焉山岳所重疊沓感雖不及關東海道之土沃兵衆然其所處在於脊梁憑高四瞰我利於出敵難於入是武田氏所以能今立二氏之中而不屈不唯以其用兵之無敵也而用兵之與敵者獨上杉氏故與之爭信地欲奪彼之國以成我國如兩蛇爭穴螯鬪相持者數十年是以北條氏織田氏在其左右得以保其國也二氏之國與武田氏相爲腹背二氏居其夷而仰據險之武田氏所以能支者不唯以其土沃兵衆之勝之也以有上杉氏窺武田氏之後故彼不得輕出深入

也上杉氏之土沃兵衆不及二氏猶武田氏也而其所據險不及武田氏而用兵之才同焉是以數下兵八州又數圖美濃所以不能終取之者亦以武田氏窺其後也故武田氏與上杉氏爭天下之脊而不決北條氏不能以其間取與羽而織田氏以其間取京畿高卑之勢難易異也是以織田之土地甲兵益致強大至三倍北條及二氏主帥相繼沒死乃東南先滅武田氏得取甲信豐臣氏繼之因以服上杉氏而平北條氏北條氏上杉氏不得甲信素不能成國而武田氏獨據甲信而已猶

得次雄壓之况以甲信以西之全力而奪甲信之
險甲信以東至越至八州遂至於奥羽無復有立
者宜矣是海內之勢所以成混一也否則自卑向
高自殺向豐安能得克哉

五年^土冬十月詔遣使尾張賜密旨織田信長

六年^癸春正月北條氏康與里見義弘戰于鴻臺破

之是歲毛利元就陷富田城滅尾子氏

七年^甲織田信長攻滅齋藤氏取岐阜據之

八年^乙夏五月幸好義繼等攻殺大將軍義輝立義

榮爲主義輝弟僧周髡走近江改名義昭

十年^丁冬十月松永久秀攻三好康長於興福寺焚
走之

十一年^戊秋七月足利義昭赴美濃依織田氏

八月織田信長以義昭西上攻角六兼禎破之九月入

京師冬十月詔以義昭任征夷大將軍信長任左

兵衛督信長辭不拜乃任彈正忠叙從五位下

冬十二月武田信玄攻駿河今川氏真出奔遂依北

條氏是月藤原晴良爲關白

十二年^己春北條氏康與信玄戰于薩陞克之

夏五月彈正忠織田信長以部將木下秀吉衛護京師

日本文獻通考卷之六

修治皇宮

元龜元年

庚午

夏四月織田信長攻朝倉義景于越前

金崎城及井長政補兵近江應義景信長引還

六月信長與義景戰于姊川大破之

是月毛利元就卒嫡孫輝元嗣叔父吉川元春小早川隆景並

輔之秋八月信長攻三好氏餘黨於攝津義景長

政追躡到坂本信長引還棲比軍於叡山遣使諭山

僧曰今而不從我則他日夷滅無噍類矣不聽

冬十月北條氏康平子氏政嗣

十二月信長與北軍

和澤義濃

二年辛未秋九月信長縱火叡山執僧徒悉斬之及其

所蓄婦女是歲皇宮成

天正元年癸酉春三月足利義昭稱兵石山以伐信長

信長遣兵擊破之尋西上行成而還

夏四月武田信玄卒子勝頼嗣

秋七月義昭復稱兵榎島信長

急入京師攻陷義昭第轉向榎島義昭乞降信長令

木下秀吉等奉之徙于若江義昭遂走安藝詔削義

昭官爵於是信長代足利氏出令京師施行諸政以

村井貞勝為所司代

賴襲曰應仁以還七道分崩離折者極矣百戰之

餘英雄之才輩出最成強大者五氏毛利氏在西
武田上杉與北條氏在東而織田氏居中其土境
兵力莫大相過而獨稱織田氏以爲繼足利氏宰
天下者何哉以先據京師號令四方也先據京師
號令四方足利氏之所以成霸也及其衰且亂也
徒存其名莫肯復奉其令而天下耳目所屬心意
所嚮猶在於此是以東國羣雄其志無不欲樹幟
輝兵於京師者特以其所居隔絕非多經人國不
可達地勢不便故莫之能遂也獨織田氏之國與
京畿聲氣相通而扼東國之襟喉故塞他人入京

之路而已先入京既入京矣以兵守畿甸而遂西
嚮其鋒西道之雄亦不能禦不唯以其才過人也
地利便也猶異時細川三好氏居攝河故數得志
京師也大內義興嘗一用防長之兵擁將軍義植
以入京師矣留焉七年遂巡引去而細川氏仍執
京政亦以其國遐遠寄泊京師糧餉不給爾今織
田氏之擁義昭入京師也又猶大內氏之爲也
不肯留而去矣而復來夫嘗困之又未嘗失機會而
終代執事政老地利便也義昭既被廢西依毛利
氏而毛利氏出兵東嚮與織田氏抗非亦欲襲大

內氏之爲也乎毛利元就雖既没其二子之才有過義興無不及而遂不能遏織田氏西下之鋒者亦以其地勢日卑向高有所不可焉爾不唯地勢然也有時勢不可者焉何則天下之心目非嚮足利氏也嚮京師也義植之時猶可也至於義昭既爲織田氏所立又爲其所廢逐如木偶芻狗之故敗者挾之而來欲爭既據之京師烏可能哉故曰時勢有不可也武田氏長尾氏又與毛利氏遙爲應援欲夾攻織田氏是亦不知時勢也以地勢論此二氏雖隔絕京師處其不便然視高下之勢正

與毛利氏反矣而不能如於織田氏者二氏內自相爭而不暇及焉故雖有地利不知用也如織田氏則不然斷然廢義昭而不顧者知時勢也知京師四戰之地也不肯離其巢穴棲託於此以謁義興之轍又知東國之不易仰攻是以舍之而先攻易攻之毛利氏務大其土境強其兵力然後東面治之者知地勢也知當時群雄之所不能知所以能繼足利氏宰天下也饒使其所居處地勢之便不知用其利而避其不利又不知時勢之可否則何能致此乎則果其才然也曰如其用兵之才非

不知武田上杉乎曰然雖然自知用兵之才之不
如武田上杉而不與爭使彼相爭而不暇及我而
我先爲彼之所欲爲是其才所以過武田上杉氏
也

八月信長攻降朝倉義景軍於大岳追義景至亥山
殺之 九月攻殺淺井長政於小谷六角義昭於鯉
江 冬十一月攻殺三好義繼于雅江於是朝倉淺
井六角三好氏盡滅

三年^{甲戌}春三月信長入朝叙正三位任參議奏請截
東大寺黃熟香 秋七月先是長島賊降信長至是

叛應武田武信長親將討平之

三年^{乙亥}夏五月信長與武田勝頼戰于長篠大破之

秋八月朝倉氏餘黨據越前加賀諸城應大坂賊

信長親將討平之 冬十月信長入朝詔聽昇殿拜

右大臣固辭不受即任權大納言兼右大將 十一

月信長奏請以木下秀吉除筑前守改姓羽柴氏

四年^{丙子}春信長城近江安土起天主閣尋徙治焉嫡

子秋山城今信忠留居岐阜 夏四月信長入朝詔

使修二條城爲館及成獻之皇太子居焉 是夏信

長遣佐久間信盛等將兵討大坂賊尋親進大克之

留信盛等成焉 冬十一月信長入朝進應三位并
內大臣

五年丁丑春二月信長率諸軍討紀伊賊雜賀孫一等
降之 秋八月松永久秀叛應大阪據志貴城信長
令信忠將兵數萬赴討初久秀之納降也信長勉受
之嘗謂曰此夫爲人所難爲者三弑公方一也叛三
好氏二也燔大佛殿三也久秀慙恚不自安久秀有
茶鑑信長欲得之久秀斬不獻於是與諸將成大阪
遂叛 九月上杉謙信攻長重連於元水城斬之里
連能登人先是信長招重連令誘一向賊攻謙信至

是重浦據元水結諸城信長聞謙信攻之遣兵赴援
親將繼之不利逃歸 冬十月信忠拔志貴斬久秀
舉族伏誅 信長遣筑前守柴秀吉將兵西伐許
便宜從軍十一月至播磨攻陷佐用上月諸城備前
國直津田直家來援上月秀吉擊卻之已而直家襲
復之 信長入朝進從二位轉右大臣
賴襄曰國之所以治亂興廢可知已所以興且治
者由上下之相近所以廢且亂出於其相遠無和
漢古今一也當國之創建也上意下達下情上通
歡然無間而天下治及其久也則不然上之人有

其位負其權以驕其下而不恤也甚則蹂踐之曰
吾天子也吾關白也彼武人賤吏耳而武人賤吏
終覆天下而奪其權是王家之所以變爲源氏爲
足利氏也曰吾將軍也吾管領也彼陪臣與臺耳
而陪臣與臺終覆其天下而奪其權是足利氏之
所以變爲織田氏爲豐臣氏也其變者天運也而
必由人事而變當其未變也上尊下卑如天地然
尊者日驕逸卑者日勤勞驕逸者日愚而勤勞者
日智智之極者足以取天下而愚之極者不足以
保其身人事然也愚者常在上以役智者不能久

而不變則天運然也細川斯波畠山三氏爲足利
氏之管領而關東之管領爲上杉氏斯波氏先亡
畠山氏亦微而細川氏與上杉氏強於東西其宗
族各分爭相食榮皆庸才無太相過是以更數世
莫或勝負而細川之臣三好氏上杉之臣長尾氏
乃有雄傑者足以制其主專其權於一時而於籠
罩一切而掃蕩之者出於斯波氏之臣繼其墜緒
而成其大業者又出於其臣之臣蓋天厭天下之
亂顧足利氏之不足撥此也故生是等人以輔天
子而治天下不得曰足利氏之倍臣與臺也不然

倍臣與臺何以能為右大臣為關白乎及至於此
嚮之所螻螳視之者我仰其鼻息之不暇蓋竊歎
曰此位唯我家可為而至彼為之豈非大變乎不
知其變者乃不能不變也天也雖然變至此極而
不變者存焉何歟曰最下者反居最上而其上一
等終不可冀是我國之異彼殷周秦漢唐宋明者
也嗚呼是何自而然哉曰祖宗不敢有其位躬臣
虜之勞體氓隸之心上下相親如家人父子如此
者七八百年雖殷周之積德未至於是況於漢以
下其膏澤彌滿海宇淪萬民之骨髓而不知焉唯

天知之是以雖不得已而以其實而終存其名而
不變爾故變者天也不變者亦天也譬若千金之
家假使邑里薄息不責者年歲邈遠雖其家道頽
廢契分不明而耄倪相告胥仰其家以為不可負
一無他天為之保證也故受知於天深者久而不絕
受知於天淺者未久而斷彼我皆然如我王家深
受之至者也而如織田豐臣氏則淺之至者乘不能
平不變之運以得不能至之位乃復欲負此以騎天
下所以天忽予之而忽奪之

六年寅春正月羽柴秀吉城姬路姬路黑田孝高所

居也秀吉之始至也孝高迎說曰此地形勝君宜據
以爲西伐之根本從之至是城焉 三月上杉謙信
卒信長之逃歸也謙信贈書曰公數與畿內敵戰未
視北人技倆耳諸期明春三月五日聊舉八州兵西
上與公相覘乃大徵兵先發三日疾作遂卒 冬十
一月荒木村重叛據伊丹信長親將討之小克先是
義昭之變村重首應信長信長大喜許取攝津自封
終如其約至是有告村重通大阪者明智光秀媒孽
之信長使人詰村重村重欲面答之光秀止之乃叛
之是冬左大臣藤原兼孝爲關白

七年^巳春二月秀吉擊別所長治于大村大破之長
治據三木城與村重並應毛利氏秀吉圍之周歲始
得利 夏信長令明智光秀與秀吉攻丹波光秀遣
母爲質誘降國主泰秀治檻送安土磔殺之丹波人
聞之磔光秀母信長賜光秀丹波居龜山城 秋九
月信長如伊丹村重夜遁冬十二月伊丹陷斬荒木
氏族二十餘人 夏
八年^庚春正月秀吉拔三木城斬長治免城兵 夏
四月詔大坂興信長和僧光佐因遜于紀伊鷲森留
子光壽以七月致城 秋八月信長巡視大坂佐久

間信益坐久屯無功遁于高野是歲秀吉徇下但
馬因幡諸城山名氏所保也毛利氏將吉川經家來
保鳥取城未屈明年陷之木也
九年辛巳春二月信長入朝夏四月關白兼孝罷左
大臣藤原內基爲關白與二十二年
十年壬午春二月信長與信忠將兵十二萬伐武田氏
信忠先進行陷信濃諸城三月入甲斐北條氏政等
來會焉獲武田勝頼及其子信勝於天目山信長命
泉勝頼首於京師斬武田氏姦臣數十人分賜其所
領甲斐信濃駿河上野地於有功諸將是春詔修

伊勢大廟初天武帝詔每二十年改造兩宮而中世
不舉至是復舊制信長奏請之也夏四月信長巡
視甲府韋武田氏弊政入駿河觀富士岳而還計五
月秀吉將兵八萬入備中圍高松城引甲部川灌之
毛利輝元大舉來援秀吉乞援信長曰出太極分軍
進擊則中國可舉信長乃命池田信輝明智光秀等
先發而與信忠繼進二十九日入京師六月二日
明智光秀弑右大臣信長於本能寺從四位上信忠
於二條城森蘭丸村并負勝筆死之初信長待將士
無禮嘲謔慢罵以爲常嘗賜諸將酒光秀不勝飲信

長強之手擊其頭曰好禿願可代鼓光秀慙恚信
長素寵蘭丸嘗問其所欲蘭丸請領志賀邑時志賀
屬光秀信長許三歲後予之光秀聞之謂信長必禍
已當其受西伐之命也司饗盛張帳具怒曰命饗未
竣又命遠役使徒勞悉投其具於湖而去還龜山
密與從子光春其將齋藤利三等決謀悉發丹波兵
宣言西援秀吉六月朔夜馳至桂川颺言曰敵在本
能寺矣衆始知其叛昧莢圍本能寺鼓譟而入信長
驚起罵曰豎子敢爾手射斃數人弦絕執槍奮擊而
傷乃退縱火自殺蘭丸及金森長則等以下百餘人

皆力戰而死信忠在妙覺寺馳赴途聞信長遭弒也
乃俠村井負勝奉皇太子於禁內而自入二條第保
焉使前日玄以奉其子三法師歸岐阜日中賊兵來
圍負勝與猪子兵助等克之城兵二三百人死傷略
盡信忠割股而死時信長年四十九信忠二十八
織田右府以不世出之略定二百年難合之天下
事成十六七而身弒業殞誠為可惜而明智光秀
一羈孤客耳為右府所擢拔推食食之推衣衣之
封土豐足何苦而至刺刃君腹乎賴襄曰嗚呼雖
無光秀右府未必免於禍也何以言之或曰右府

民之政言 卷之十六
一四
遇臣下無禮屢罵辱光秀所以取其怨也襄曰不然夫戰國英雄其君臣相與不可以平世之意律也彼視足利氏動稱禮式喜修邊幅也常嗤笑之故決壞其藩籬握手強酒箕踞嘲詈以結其歡而得其死命諸將皆然何獨施之於光秀光秀亦何以此爲怨哉且受恩如此之大見其無禮亦宜忍而受之也不忍於屈已而忍於弑君所不忍者小而所忍者大何耶蓋所忍大者所不忍亦有大者也非受無禮之類而已也右府百戰鏖滅四方故家而以已功臣代之然視其難取也故畜於與之

矣而不可不與不與則彼不爲我用也故姑與之俛彼爲我用然後因事階之以奪前所予或舉其齷惡如林通勝佐久間信盛是也或證其有反心如荒木村重是也右府初許村重以取攝津復封而聽譏討之譏之者即光秀也光秀亦知右府聰明非惑於讒者矣而敢組織之者知右府心在於誅而奪之也誅村重而奪其攝津不待吾言之畢則安知不誅吾而奪我丹波亦如村重也哉而吾何忍而待之乎吳光秀之所以先忍於君也豈獨光秀爲然諸將皆然如羽柴秀吉欲養右府之子

讓之其封邑其受西征之命又預言其不敢受大
賞右府與之播磨而入覬傾其國充貢獻以爲不
如此則右府之心不喜而我之身危矣故當秀吉
之聞此變也不甚驚動立班師復仇如曰吾知必
有此事也如柴田勝家扶右府之孤以抗秀吉類
不忘右府之恩者然彼初與林通勝同圖右府者
也右府赦而用之爲北面大將與之越前通勝旣
被罪矣勝家必自危曰次將及我也故右府早死
光秀之手而此輩或建復仇之功或得扶孤之名
耳使其不早死吾恐其君臣終始未知其何如吾

恐雖無光秀而右府或不能免於禍也大凡人
之感恩不在其跡而在其意誠欲施之雖不能施
而人感戴之意非誠欲施之雖能施而人不德之
甚則反怨之況旣施而又奪之其取怨也甚於未
施之前矣嗚呼可不思哉
秀吉圍高松益急城不漸水數尺毛利氏聞信長大
舉且來懼講和秀吉未許會本能寺凶問至明日城
陷輝元遣使治前議秀吉見使者具告變故使還報
曰事已至此公等猶與和乎若欲擊我則莫今日若
也公等徐計之使者還報輝元與諸將謀將戰小早

川隆景切諫乃止遂送質成和秀吉引還先是信
長子信孝修艦紀伊因急襲鷲森未果得凶報還次
大坂聞秀吉東上乃與丹羽長秀等來會于尼崎與
討光秀光秀既定京師在安土聞秀吉來討使光春
留守親將兵二萬五千西上秀吉整諸軍進與賊戰
于山崎大破之走光秀追至三井寺誅之梟首於本
能寺光春奔坂本自殺齋藤利三以下賊黨盡伏誅
秀吉與柴田勝家定議立三法師爲信長嗣更名
秀信居安土奉以近江三十萬石叔父信雄領尾張
信孝領美濃其餘諸將分領之 冬十月詔以羽柴

秀吉叙從五位下任左近衛少將 信孝與柴田勝
家瀧川一益謀除信雄秀吉事覺秀吉將兵五萬圍
岐阜信孝行成秀吉取其篋子而還勝家遣使佯稱
好秀吉亦詐許之十一月襲其邑長濱降守將柴田
勝豐勝豐勝家姪也
十一年癸未春正月秀吉將兵擊瀧川一益於伊勢二
月退屯長濱當柴田氏軍 夏四月織田信孝復稱
兵秀吉擊破之 勝家將佐久間盛政急襲賊岳取
之守將中川清秀戰死秀吉馳還襲復之獲盛政加
藤清正等七將最有功秀吉遂攻殺勝家於北莊

信雄圍岐阜走信孝遂殺之五月詔秀吉叙從四位下任參議六月丙午降秀吉信雄併領伊賀伊勢冬十一月秀吉城大坂尋治焉龍造寺隆信與島津義久戰于布馬敗死時龍造寺氏據肥前島津氏據薩摩與豐後大友氏並據于西海
十二年甲申春三月秀吉與信雄絕帥兵進擊信雄乞援參河四月參河兵大破秀吉軍于長湫獲池田信輝冬十一月秀吉與信雄和秀吉叙從三位任大納言尋賜姓藤原氏
十三年酉春左大臣藤原昭實爲關白三月秀吉

叙正三位任內大臣秀吉將兵攻滅紀伊根來寺雜質賊夏五月遣羽柴秀次等擊長曾我部元親降之四國平秀次秀吉甥也秋七月秀吉叙從二位任關白賜姓豐臣氏八月秀吉將兵十萬北伐擊佐佐成政於富山城降之遂入越後與上杉景勝盟景勝謙信子先是嗣立遣金森長近攻飛騨國司姊小路賴綱滅之冬十一月地大震是冬毛利輝元遣吉川元春小早川隆景來大坂修好十四年丙戌春二月秀吉築第內野名曰聚樂三月豐後國主大友宗麟入覲降秀吉夏五月上杉景

勝入朝 秋七月皇太子薨 八月秀吉令毛利輝元長曾我部元親出軍西海遣仙石秀久招諭島津義久義久不從 冬十一月天皇讓位皇太孫 賴襄曰駕馭天下之羣雄使其盡爲我用而不我叛者何以致之乎與土地金帛不啻乎授高爵顯位不惜乎曰皆不然也夫徒恃土地金帛以與之市我之土地金帛有盡而羣雄之所欲無極以有盡而供無極則我之術有窮時矣且彼攫我之土地金帛而太不肯爲我用我欲驅而使之彼偃然不聽我指呼甚則資我所與以抗於我我何以制

之至於爵位本虛器而已矣而人欲得之者以我不濫予之也濫予之則輕矣人將唾而不顧矣是亦不可恃也故徒恃此二者欲以駕馭天下人下將反駕馭我世稱豐臣太閤之能駕馭羣雄以爲恃此二者嗚呼使太閤果徒恃此二者則元弘建武之政是已足利尊氏是已元弘建武之事姑置之如尊氏所使皆其家臣用以夷其敵隨與其土地而只是易爲力也太閤之定天下割據之國存而撫之同列之人服而用之不止其故臣也其勢之難如此况足利氏之將帥皆庸才耳而猶不可

制方太閤之時其布列天下者槩希世之雄也而欲用尊氏之所施誰肯爲其用而不敢叛哉所以肯盡爲其用而不敢叛者必有術焉曰中其意也曰出其意之外也中其意是以感喜之出其意之外是以畏服之天下之群雄感喜畏服於我代之於天下何爲不成何欲不致是太閤之所以鼓舞顛倒一世而使其不自知其何故也故有及時輒予者有未當與而與者有當與而不與者有既奪而大與者有分與而鬪之者故太閤喜用土地金帛爵位以濟其術非專恃土地金帛爵位也

後陽成天皇

諱周仁正親町孫父曰誠仁親王母新上東門院勸修寺晴秀女在位二十五年改元二曰文祿慶長禪位皇太子後六年崩壽四十七葬泉涌寺

十一月天皇即位尊先帝曰太上天皇豐臣秀吉爲

關白如故十二月關白秀吉任太政大臣叙從一

位島津義久伐豐後走大友宗麟是歲秀吉建

方廣寺塑造大佛高十六丈

十五年丁亥春二月關白秀吉大舉西伐兵凡十五萬

水陸並下夏四月攻岩石城降秋月種實進陷小熊

八代訖城龍造寺政家等來附焉五月入薩摩次十

代河與水軍會焉分遣諸將徇地日向大隅直逼虜

島島津義久薙髮出降秀吉以義久弟義弘代領其
國西海平 琉球入貢 秋七月秀吉凱旋至太宰
府頒賜筑前豐前等地於小早川隆景黑田孝高等
冬十月島津義弘入朝
十六年 戊夏四月天皇臨豐臣氏聚樂第留五日
五月關白秀吉遣使相摸諭比條氏政入覲不答
冬十月秀吉大張茗讎於北野
十七年 丑夏四月秀吉赴有馬温泉 秋復遣使諭
氏政復不答諭伊達政宗亦不肯政宗領陸奥出羽
大張於北陸

十八年 甲春二月關白秀吉大舉市伐兵九二十五
萬水陸并下 夏四月圍小田原氏政固壘不出秀
吉分遣諸將徇下關東八州六十餘城 六月伊達
政宗來降 秋七月氏政及其子氏直出降秀吉誘
殺氏政放氏直及其將北條氏規等於高野關東平
善用兵者可以取天下乎賴襄曰不可天下者大
物也用兵小術也小術不可以取大物故能取天
下者未必善用兵也雖然兵何為而用耶非欲以
拓土地服人民乎有人於此譜結陣之法練行師
之術巧奇正之變誦詐之計而無益於拓地斬首

幾千流血幾里曰吾勝矣可謂之善用兵乎善用
兵者善收用兵之利之謂也故善收用兵之利則
術亦大矣故善用兵可擊則擊不可擊則不擊可
進進可也可走定可也獲級可也空手還可也要
歸於收其利而收其利之極極於取天下是織田
豐臣之術所以過武田上杉也武田上杉巧於用
兵而拙於收利織田豐臣拙於用兵而巧於收利
右府之用兵猶有巧之可見而亟用亟輟所收不
償所用至於太閤其用兵無有他術巧而天下莫
能支吾何哉曰彼僥倖而得之蓋有命焉故不必

善用兵而能取天下襄曰不然物之小者猶小可
僥倖而得況其至大者非其術之高於一世焉能
得之哉太閤之用兵如無巧者而其實天下之至
巧也夫用兵者決其勝於既用不如決之於未用
也決於既用者不能不亟用亟輟決於未用者不
用則已用則必收其利不收其利不肯用也補強
弱之度算成敗之數相其可而後動焉得謂之僥
倖邛觀其經略關右先治播磨據形勝地蓄糧養
兵我先有其強然後加彼之弱我先有其成然後
乘彼之敗其取因幡奪其糧也其略備中堰其水

灌之也夫奪其糧則餓堰其水灌之則墊人人所
明知非有巧譎難知之術也顧可不可如何而已
用十五萬人以平鎮西知非用十五萬人則不可
以平之也用二十五萬人以定關東知非用二十
五萬人則不可以定也皆決之於未用者也可以
平可以定然後可以取天下

八月秀吉至白河檢陸奧出羽地尋封蒲生氏鄉於
會津移封織田信雄參河遠江等五國信雄不喜乃
徙之於出羽秋田 九月秀吉復命京師 是月陸
奧亂氏鄉討平之 冬十二月秀吉獵于參河

十九年辛卯春正月關白秀吉入朝 夏陸奧再亂蒲
生氏卿與豐臣秀次伊達政宗討平之 冬十二月
秀吉奏請以內大臣秀次為關白自稱太閤先是秀
吉遣使朝鮮贈書其國王李昭使其導我攻明朝鮮
依違不答復遣對島國主宗茂智責之亦不得報乃
大會諸將議西征諸將莫敢異議浮田秀家從更次
之於是奏請讓職於秀次下令諸道大具兵食
文祿元年壬辰春二月天皇幸豐臣氏聚樂第 三月
前關白秀吉出次肥前名古屋遣中納言浮田秀家
為大將主計頭加藤清正攝津守小西行長為先鋒

以伐朝鮮兵凡十五萬人分爲水陸九軍行長先進
徇慶尚道清正赴慶州初行長藥商子也清正鄙之
與有隙於是行長潛拔其軍先發清正怒取別路而
進行長乘勝進逼國都國王李昭與其世子出奔
平壤浮田秀家入保國都秀吉遣石田三成增田長
盛赴援宜令賞功夏五月韓將李洸尹國馨等以
兵五萬來援國都我兵逆擊破之六月韓王昭奔
義州行長攻守將金命元走之拔平壤清正入咸
鏡道與韓北道兵使韓克誠連戰破之擒克誠遂虜
韓二王子及其大臣黃赫金等我水軍將加藤嘉

明脇坂安治等與韓將李舜臣戰于巨濟洋不克來
島康親死之秋七月明主朱翊鈞遣其將祖秉訓
史儒等帥兵來援平壤行長逆戰于安定鏖之秉訓
挺身而走秀吉還大坂觀大廳秀吉母也先
是憂秀吉赴海外至廢寢食故秀吉使秀家代往既
而大廳諳秀吉遂航海也憂疑病篤秀吉聞之馳還
至則已薨九月秀吉至名古屋行營冬十月清
正返軍安邊修諸城與鍋島直茂按檢韓人十一
月直茂以兵三千與韓將李希得兵三萬戰于咸興
北走之咸鏡平

二年^{癸巳}春正月太上天皇崩 葬正親町天皇 明主朱翊鈞遣其將李如松大舉來援平壤復之小西行長戰敗奔國都先是明大司馬石星薦越人沈惟敬為游擊將軍多資金帛來平壤請和行長徵數條惟敬還取報而明遂定議遣如松來攻平壤石星使惟敬先來定和惟敬已去而如松來圍行長大驚時大友義統在鳳山乞援不至行長夜逃 明軍方勝浮田秀家令諸將退保國都小早川隆景在開城不肯已而如松悉軍而至隆景以兵三千邀戰于碧蹄館大破之殆獲如松 三月秀吉遣毛利秀元細川

忠興等七將赴援攻晉州不克 夏四月明主翊鈞復遣沈惟敬來我軍行成許之乃使謝用梓沉貫與惟敬來謁秀吉于名古屋行營惟敬之來厚賂行長曰太閤歸韓倂則割慶尚全羅忠清三道封為王行長等以尹王於明之謂也已而知其非惟敬切彌縫之行長報秀吉曰明人上殿下尊號秀吉乃使許和惟敬請解都城兵諸將乃退慶尚秀吉見惟敬用梓等厚饗還之遣小西如安與偕 六月放還清正所俘韓一王子及其大臣以下清正知和議必不成甚不憚 是月清正等諸將合兵攻陷晉州斬城將徐

禮元金鎰等鑿六萬餘人韓人最畏清正稱曰鬼土
官秋八月秀吉還大阪以男秀賴生也母淺井氏
是月韓王昭還國都
三年甲春正月秀吉大城于伏見
二月秀吉與關
白秀次遊吉野三月赴高野山
冬十二月我使小
西如安至明明使李宗誠等偕來
四年未春二月蒲生氏卿平子秀行嗣尋徙之於下
野宇都宮以會津移封上杉景勝
三月伏見城成
秀吉徙居焉
秋七月關白秀次有罪秀吉奏請廢
爲庶人放之高野尋賜死

慶長元年丙春正月小西行長歸獻地圖兵書蟒服
及燕代良馬三百匹於秀吉
夏五月秀吉以秀賴
入朝詔叙秀賴從三位任右近衛中將
六月明韓
使者來我諸將留兵釜山而凱旋先是明正使李宗
誠途返楊方亨代之沉惟敬爲副
秋七月京畿地
大震秀吉入覲京師
九月秀吉召見明韓使命僧
兼兌讀冊讀至曰封爾爲日本國王秀吉大怒立脫
冕服拋之扯裂冊書曰吾掌握日本欲王則王何待
鼻虜之封哉且吾而王如天朝何乃召行長將併明
使誅之兼兌救解之乃止即夜逐還明韓使者遂徵

西南四道兵十四萬人再命西征
賴襄曰兵所以勝負者機也機有大者有小者小者一日而萬變非臨陣相敵不可決也至於大者決之於舉事之前而萬眾之心乘之而奮以至事平之後其鋒未嘗鈍退者此機也得此機則勝失此機則負是英雄之所獨見而衆人或莫之能知者豐臣太閤西伐島津氏東伐北條氏舉兩大役而天下定以強加弱以大臨小宜若直往而無不可也而必以文告先之諭以順逆彼不肯聽也又諭之又不肯聽而繼以慢辭然後乃下令伐之其

諭北條氏也彼有所要求曰得之則入覬諸將皆怒曰彼亡狀盍速擊之太閤曰未也如其所求與之與之而彼猶不來也於是乎絕之暴揚其罪於天下天下皆曰彼誠有罪伐之不得不伐也我將士皆有怒彼之心而彼之國人皆無拒我之意無拒我之意者不直其主之所爲也嗚呼是勝負之大機也今有兩人鬪於此其一倨慢無禮罵詈雜加其一卑辭屈躬欲謝而止之乃忿咆怒不肯聽至撫劍疾視然後不得已而鬪不得已而鬪者必勝數十萬人之鬪與兩人之鬪其勝負之機奚異

哉諸將不知而太閤知之宜乎其全勝也而何獨
於擊朝鮮而不察於此乎朝鮮與我隔絕大海本
不相干涉彼未嘗啓釁於我而我無故擊之是以
我將士無怒彼之心而不直太閤之所爲曰何故
擊之何故使我裹瘡痍離毒弩遠涉大海而暴骨
於未嘗識之地乎是其所以一勝而其鋒遂鈍退
不振也彼以怠惰委靡之餘被我百戰之精兵非
如北條島津之勅也而所以能不如北條島津者
其國人皆怒我而拒我我何以勝之哉不特無以
勝之也又失我既定之天下兵之勝負其機在於

此得天下與失天下其機亦在於此

二年丁酉春以小早川秀秋爲大將毛利秀元淳田秀
家爲副黑田孝高充其參謀而先鋒及諸將皆前役
所遣也依小西行長立功自償秀秋秀吉姪出爲隆
景嗣 孝高奉秀秋至金山留保焉 明沈惟敬遣
書加藤清正請和清正作答書絕之 秋八月行長
襲擊韓水軍將元鈞於加德斬之進陷南海順天清
正歷慶州入全羅諸城皆潰遂與行長合攻黃石城
拔之 島津義弘加藤嘉明攻韓將楊元於南原走
之進入全州走明將陳愚衷等 管正陰與韓水軍

將李舜臣戰于碧波亭下敗死 冬十二月明將邢
玠楊鏞等將明韓兵數十萬來攻清正於蔚山蔚山
清正所屯也時清正在外其裨將加藤清兵衛嬰守
會淺野左京大夫來入城善拒已而清正歸敵軍益
逼合圍十晝夜斷我汲道城兵飢渴清正與左京大
夫堅守不屈益修守具日斃敵兵數百千人黑田孝
高在梁山遣使釜山令諸將赴援

三年戊戌春正月小早川秀秋與諸將帥騎卒五萬分
道至蔚山敵軍解圍而去清正幸長出城與諸將合
追躡大破之 三月秀吉秀賴遊醍醐 夏四月

秀吉遣使諭諸將留秀秋清正行長及島津義弘黑
田長政等十餘將其餘盡罷歸 秀賴進從二位爲
權中納言 秋八月前關白豐臣秀吉薨于伏見城
年六十三遺命召還在韓諸將 九月明將麻貴來
逼蔚山清正與立花宗茂大擊走之 冬十月明將
董一元茅國器等合兵數萬來攻島津義弘於新寨
義弘與子忠恒邀擊大破之 十一月諸將至自伐
朝鮮

織田氏爲政雖偷一錢者亦斬所以致路不拾遺
之盛也明受室町弛廢之餘非此莫以濟之爾雖

然我先王制爲刑律又設明法之士論罪之輕重
期於不愆錙銖誠以人命至重人主雖操生殺之
權不妄用之也今小問罪之重輕偷一錢者與故
殺人命奪人財者同科是何法哉夫人主可以殺
天下之人而莫之禁者人庇其下者豈不可危
懼唯知其殺必於有罪者而罪之輕者又得不
至死是臣民所賴以安也今其所賴絕矣是不能
日相安也宜哉其遭弑逆之禍也然未足言也至
於豐臣氏也則有一舉而喪先王之澤絕大地之
性奪生民之命者天智之制田授民也以二百六

十步爲一段以二段爲口分之田女減三分之一
田一段得禾五十束租二束二把一束得米五升
每段米二石五斗而輸二束二把則取米一斗一
升蓋輕於二十取一也是謂正稅千載而無大差
者流澤之所以無窮也至天下用武力耕不給於
餉蓋租歲重月加矣然源氏北條氏之間未有所
大加大加者蓋始於足利氏而極豐臣氏豐臣氏
極奢侈已無比於前代及末年窮兵黷武用度益
不給欲加徵租稅而不復可知也於是一變丈田
之法以三百步爲一段一段加六十步一町加六

本政言 卷之十一
百步積而上之千町加六十萬步萬町加六百萬步又就一步各縮二尺鞭撻有限之土地以搜索無故之財利民數依舊稅額百代開闢以來之遺民剗未剗之肉浚未浚之膏血以供豐臣氏得已不已之欲豐臣氏以此取絕嗣赤族之禍其事已逝矣而其法遂一成而不可破至今爲梗上下相習恬不爲怪織田氏之法雖累行一時而已豐臣氏之流毒未可知其所底也憂之則如何曰此法也如商君破井田開阡陌不可遽革也而稅之重又不可遽減也三百畝而取三百六十畝之稅減

六十畝之稅可矣六尺而出八尺之稅減二尺之稅可矣所減少而所澤多於民如新受賜而於我則上謝大地中謝先王而下爲子孫祈長久之福誰憚而不爲耶

日本書紀
卷之十
三十一

天皇二十六年春二月
天皇二十七年春二月
天皇二十八年春二月
天皇二十九年春二月
天皇三十年春二月
天皇三十一年春二月
天皇三十二年春二月
天皇三十三年春二月
天皇三十四年春二月
天皇三十五年春二月
天皇三十六年春二月
天皇三十七年春二月
天皇三十八年春二月
天皇三十九年春二月
天皇四十年春二月
天皇四十一年春二月
天皇四十二年春二月
天皇四十三年春二月
天皇四十四年春二月
天皇四十五年春二月
天皇四十六年春二月
天皇四十七年春二月
天皇四十八年春二月
天皇四十九年春二月
天皇五十年春二月
天皇五十一年春二月
天皇五十二年春二月
天皇五十三年春二月
天皇五十四年春二月
天皇五十五年春二月
天皇五十六年春二月
天皇五十七年春二月
天皇五十八年春二月
天皇五十九年春二月
天皇六十年春二月
天皇六十一年春二月
天皇六十二年春二月
天皇六十三年春二月
天皇六十四年春二月
天皇六十五年春二月
天皇六十六年春二月
天皇六十七年春二月
天皇六十八年春二月
天皇六十九年春二月
天皇七十年春二月
天皇七十一年春二月
天皇七十二年春二月
天皇七十三年春二月
天皇七十四年春二月
天皇七十五年春二月
天皇七十六年春二月
天皇七十七年春二月
天皇七十八年春二月
天皇七十九年春二月
天皇八十年春二月
天皇八十一年春二月
天皇八十二年春二月
天皇八十三年春二月
天皇八十四年春二月
天皇八十五年春二月
天皇八十六年春二月
天皇八十七年春二月
天皇八十八年春二月
天皇八十九年春二月
天皇九十年春二月
天皇九十一年春二月
天皇九十二年春二月
天皇九十三年春二月
天皇九十四年春二月
天皇九十五年春二月
天皇九十六年春二月
天皇九十七年春二月
天皇九十八年春二月
天皇九十九年春二月
天皇一百年春二月

2.

